


Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspeksijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

Broj: 14-02-04-03495/20  
Sarajevo, August 10, 2020. godine

**SKUPŠTINA KANTONA SARAJEVO**  
*(Na pažnju predsjedavajućeg Mirze Čelika)*

**Predmet: Odgovor na zastupničko pitanje broj: 01- 04-27823-33/20 od  
29.07.2020. godine, postavljeno od strane zastupnice Neire Dizdarević - dostavlja se;**

Zastupnica Neira Dizdarević, na 27. Radnoj sjednici Skupštine Kantona Sarajevo, održanoj dana 28.07.2020. godine postavila je zastupničko pitanje koje glasi:

*"Molim Kantonalnu upravu za inspeksijske poslove budući da se u Informaciji o kvalitetu zraka u KS koju smo imali priliku razmatrati na 26. radnoj sjednici Skupštine Kantona Sarajevo pominje se veliki broj subjekata nadzora i mali broj inspektora iz ove oblasti, pitanje za Kantonalnu upravu za inspeksijske poslove da li su koristili mogućnost koje im pruža član 18. Zakona o inspekcijama Kantona Sarajevo ("Sl. novine Kantona Sarajevo" broj 2/17) prema kojem kada je potrebno hitno izvršiti inspekcijki nadzor radi zaštite javnog interesa, direktor Kantonalne uprave rješenjem može ovlastiti inspektora iz jedne upravne oblasti da izvrši inspekcijki nadzor iz druge upravne oblasti dok traje potreba za istim, a smatramo da je javni interes na što brži i efikasniji način zštititi zdravlje ljudi?"*

**O D G O V O R**

Članom 18. Zakona o inspekcijama Kantona Sarajevo ("Službene novine Kantona Sarajevo" broj 2/17) propisano je:

*"Kada je potrebno hitno izvršiti inspekcijki nadzor radi zaštite javnog interesa, direktor Kantonalne uprave rješenjem može ovlastiti inspektora iz jedne upravne oblasti da izvrši inspekcijki nadzor iz druge upravne oblasti dok traje potreba za istim".*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U konkretnom slučaju Kantonalna uprava za inspekcijske poslove Kantona Sarajevo nije koristila mogućnosti propisane u članu 18. Zakona o inspekcijama, jer članom 118. Zakona o organizaciji organa uprave Federacije BiH ("Službene novine Federacije BiH" broj 35/05) jasno je propisano da rukovodilac organa uprave može donošenjem rješenja ovlastiti drugog državnog službenika da izvrši određene poslove inspekcijskog nadzora, pod obavezom da taj državni službenik ispunjava uslove koji se između ostalog odnose na odgovarajuću stručnu spremu.

Pravilnikom o unutrašnjoj organizaciji Kantonalne uprave za inspekcijske poslove i to članom 26. za radno mjesto kantonalni inspektor zaštite okoliša propisani su posebni uslovi za vršenje posla u pogledu stručne spreme i to stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završen prirodno-matematički fakultet odsjek zaštita okoline, šumarski fakultet ili arhitektonski fakultet ili građevinski fakultet ili mašinski fakultet.

Cijeneći da direktor Kantonalne uprave rješenjem može ovlastiti inspektora iz jedne upravne oblasti da izvrši inspekcijski nadzor iz druge upravne oblasti dok traje potreba za istim, samo ako ispunjava posebne uslove u pogledu stručne spreme, a što je bilo i predmet inspekcijskog nadzora od strane kantonalnog upravnog inspektora, direktor Uprave nije koristio mogućnosti iz člana 18. Zakona o inspekcijama jer bi takvim postupanjem bilo dovedeno u pitanje redovno poslovanje same Uprave i inspektorata kao organizacionih jedinica, budući da se radi o malom broju inspektora koji ispunjavaju posebne uslove za obavljanje poslove kantonalnog inspektora zaštite okoliša.

S poštovanjem,

Prilozi: Akt upravnog inspektora broj: 03-04-05-11528/18 od 07.09.2018.godine



Dostavlja se:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. a/a



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb